

Książka

Pòstawią Ce w rédze

Naùczą pòrządkù

Dze twòja pòlëca

Za kògùm jes w rządkù...

(...)

Më jesmë jak książczë

Co je chtos wcyg stôwiô

Rôz wëzi, to niżi

Midzë stôrą, nową...

Co jesz pôchnie swiężo

Kòl ti, co wëcartô

Strón przewrôcanim

Tej sej dze pòdzartô...

(...)

Nié wszëtcë są farwny

Z papiorã krédowim

A w sztiwny òbkłôdce

Ë mądri jak słowôrz...

(...)

W bibliotece żëcô

Je dzes knéżka mòja,

Co jesz je w robòce

Sã pisze, bò żëjã...

Tómk Fópka, Chwaszczëno, 16 lëpińca 2025 rokù, gòdz. 7.47 do.p.